

ՀՀ Էկոնոմիկայի նախարարությանը կից
հասարակական խորհրդի նախագահ
պարոն Գևորգ Պապոյանին
«Արենի Փառատուն» հիմնադրամի
տնօրեն Նունե Մանուկյանից

Դիմում

Հարգելի պարոն Պապոյան,

Խնդրում ենք քննարկել և հնարավորության դեպքում ընդգրկել «Արենի Փառատուն» հիմնադրամին ՀՀ Էկոնոմիկայի նախարարությանն առընթեր հասարակական խորհրդի կազմում՝ որպես կազմակերպություն, որն ունի զգալի ներդրում Հայաստանում իրադարձային տուրիզմի զարգացման գործում:

Հիմնադրամի մասին

«Արենի Փառատուն» հիմնադրամը շուրջ 17 տարվա ընթացքում իրականացնում է բովանդակային փառատոններ Հայաստանի տարբեր մարզերում՝ նպաստելով տարածաշրջանային զարգացմանը, համայնքային ներգրավվածության բարձրացմանը և Հայաստանի՝ որպես զբոսաշրջային ուղղության, ներկայացմանը թե՛ ներքին, թե՛ միջազգային շուկաներում:

Հիմնադրամի նախաձեռնած և կազմակերպած փառատոններն են՝

- **Արենի Գինու Փառատուն** – Վայոց ձորի մարզ, Արենի գյուղ (17 տարիներ անընդմեջ)
- **Գաթայի Փառատուն** – Վայոց ձորի մարզ, Խաչիկ գյուղ (8 տարիներ անընդմեջ)
- **Թթի Փառատուն** – Սյունիքի մարզ, Քարահունջ գյուղ (5 տարիներ անընդմեջ)
- **Արհեստ և Արվեստի Փառատուն** – Շիրակի մարզ, Գյումրի քաղաք (իրականացվել է 3 տարի անընդմեջ)
- **ԶարկՖեստ ֆիլմաշար** – իրականացվել է մեկ անգամ՝ ՀՀ ԿԳՄՍ նախարարության աջակցությամբ

Բացի սեփական նախագծերից, հիմնադրամը նաև աջակցել է այլ համայնքներում իրականացվող մի շարք միջոցառումների՝ այդ թվում՝

- **Տոլմայի փառատուն** – Արմավիրի մարզ, Սարդարապատ
- **Խորովածի փառատուն** – Լոռու մարզ, Ախթալա
- **Հացը Լեռներում փառատուն** – Երևան
- **Նավասարդ ամենամյա փառատուն** – Գեղարքունիքի մարզ, Ծաղկունք գյուղ

